



Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu
politiku, raseljena lica i izbjeglice



Босна и Херцеговина
Федерација Босне и Херцеговине
КАНТОН САРАЈЕВО
Министарство за рад, социјалну
политику, расељена лица и изbjеглице

Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refuges

Broj: 13-04/2-05-19863/19
Sarajevo, 31.05.2019. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

SKUPŠTINA KANTONA SARAJEVO
Služba za skupštinske poslove

- OVDJE -

Predmet: Odgovor na zastupničko pitanje, dostavlja se
Veza: Vaš akt broj: 01-05-15502-34/19 od 18.04.2019. godine

Zastupnica Neira Dizdarević, je na Sedmoj radnoj sjednici Skupštine Kantona Sarajevo, održanoj dana 17.04.2019. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovníkom Skupštine Kantona Sarajevo podnijela zastupničku inicijativu prema Vladi Kantona da poduzme sve potrebne aktivnosti na izmijeni i dopuni zakonskih akata koji tretiraju pravo na rad sa polovinom punog radnog vremena za majke troje i više djece, na način da u periodu od godinu dana po isteku porođiljnog iskustva, kada ostvaruju pravo na rad na pola radnog vremena, za isti budu plaćene u punom iznosu plaće.

Na navedenu inicijativu, dajemo slijedeći odgovor:


Rad sa polovinom punog radnog vremena nakon isteka porođajnog odsustva, kao i naknada plaće za vrijeme porođajnog odsustva i rada sa polovinom punog radnog vremena regulisani su odredbama Zakona o radu ("Službene novine Federacije BiH", br. 26/16 i 89/18) (u daljem tekstu: Zakon o radu). Članom 68. Zakona o radu propisano je, između ostalog, da za vrijeme rada sa polovinom punog radnog vremena, radnik ima za polovinu punog radnog vremena za koje ne radi, pravo na naknadu plaće, u skladu sa posebnim zakonom.

Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 38/14- Prečišćeni tekst i 38/16, 44/17 i 28/18), (u



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387
Sarajevo. Reisa Džemaludina Čauševića 1





daljem tekstu: Kantonalni zakon) članovima od 148. do 155. regulisano je pravo na naknadu umjesto plaće ženi-majci u radnom odnosu, za vrijeme dok odsustvuje sa posla radi trudnoće, porođaja i njege djeteta, dok je članom 153. propisano da ženi-majci koja u skladu sa propisima o radu ima pravo na rad sa polovinom punog radnog vremena, naknada plaće za polovinu radnog vremena kada ne radi, utvrđuje se u iznosu od 30% prosječne plaće. Obzirom da je plaća pravo iz radno-pravnog odnosa i da su rad sa polovinom punog radnog vremena, kao i naknada za navedeno propisani Zakonom o radu, smatramo da je predmetnu zastupničku inicijativu moguće realizirati kroz izmjene i dopune Zakona o radu.

Ministarstvo za rad, socijalnu politiku, raseljena lica i izbjeglice Kantona Sarajevo imajući u vidu sve navedeno, kao i činjenicu da majke i porodice sa troje i više djece imaju multiplicirane finansijske i druge obaveze, te cijeneći navedeno mjerom u duhu pronatalitetne politike, podržava inicijativu zastupnice Neire Dizdarević, na način da se pokrene inicijativa izmjena i dopuna Zakona o radu u dijelu koji tretiraju pravo na platu zaposlenih majki troje i više djece.

S poštovanjem,

Pripremile: Smaragda Lučkin, stručni savjetnik [REDACTED]

Aldina Šantić, stručni saradnik [REDACTED]

Kontrolisali: Cica Pljevljak, šefica Odjeljenja [REDACTED]

Slavica Gorančić, pomoćnica ministra [REDACTED]

Nurija Hodžić, pomoćnik ministra [REDACTED]



Dostaviti:

1. Naslovu
2. Ministar
3. a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

